

6 avril 1557, style d'empire

118

Monsieur.

anée 1556, style des papes.
en P.B.

Quant hier ay receu la
lettre de v^{re} Alt^e a Cindhonty, jointe celle au Comte de George
van Holt, laquelle je luy adresse encontinent ensemble v^{re}
mieme, et ne fais doute que remandra a v^{re} Alt^e son
intention finale de ce que luy sera de faire, Je crains bien
quil persistera encores au refus, pour ne luy estre
bonnement possible d'entretenir ses gens sans argent,
mesmes pour si long temps, come jusques a la saint Jehan,
et en ce quantite la, on se font pour le p^{re} tant de diverses
assemblees, Me rapportant toutesfoi a ce quil en
rescriura par sa response.

Touchant la d^{ic}te Castelline pour six ans, Je me suis
bien tant appesenti de luy, quil ne la voudra accepter
sans avoir prometteu le conge du duc Electeur de Saxe,
et estre assure des autres conditions, que j'ay escript
a v^{re} Alt^e par mes precedentes

Quant a mon voyage vers mons^{seigneur} l'arschesque de Colongne,
Je me suis enjourné samedi dernier, Mais essant d'aller au pres
du d^{ic} Cindhonty suis retombé en fièvre de sorte quil me
fallu arrester en ce lieu, on jattenderay encores un jour
ou deux, pour veoir ce quil en sera, ayant aussi veu les nouvelles
du d^{ic} archesque, quil ne sera de retour en sa maison, deuant
deux ou trois jours.

Tant monsieur, me recommanderay bien, humblement a la
bonne grace de v^{re} Alt^e Suppliant dieu luy donner un bon
prospere longue vie. De brabant ce 6^e d'auil 1557

De v^{re} Alt^e

Treshumble seruiteur.
Guille de Nassau

Pub. n. g.

RM
Conseigneur

Mons^{ie}ur duc de Savoie.

